

Supervizor za Brčko imenuje dva poslanika u Skupštinu u Brčkom

Vršilac dužnosti supervizora za Brčko, Gerhard Sontheim, je danas imenovao prof. dr Milana Tomića i gospodina Halila Ljucu na mjesta poslanika u Prelaznoj Skupštini da obavljaju tu dužnost do održavanja izbora za Skupštinu Distrikta.

Dva upravo popunjena poslanička mjesta su bila upražnjena nakon imenovanja skupštinskih poslanika Branka Damjanca i Ahmeta Derviševića na mjesta gradonačelnika Brčko Distrikta, nalogom supervizora od 3. decembra 2003. god., odnosno Šefa Odjela za javnu sigurnost Brčko Distrikta, nalogom supervizora od 18. novembra 2003. godine.

Imenovanjem prof. dr Milana Tomića i gospodina Halila Ljuce, Skupština Brčko Distrikta je iznova u punom sastavu, a sva tri naroda Distrikta su adekvatno zastupljena.

Gospodin Sontheim čestita novoimenovanim poslanicima na imenovanju i izražava vjerovanje da će obavljati svoju dužnost u službi Brčko Distrikta vođeni samo svojom savješću, Statutom Distrikta i interesima svih građana.